

զի գետնին չկալէի, կանչում էր, պոռում, աղաղակում:

Յեխի եւ ձիւնի մէջ խողը առաջանում էր դժուարութեամբ: Իր մեծաքանակ ճարպը, հտպիտի ծանրութիւնը, նոր ցեխի եւ նոր աղբի անուշ հոտը, ջրակոյտերի լարտուն բուրումը գլխի մէջ գինովութիւն էին դրել եւ ոտքերի մէջ թուլութիւն:

Պրոֆմիտեման շէնքի առջեւ խողը խըռնէր:

Պետքատրոնի դռան առջեւ, ճիշդ այն ժամանակ երբ պրիմադոննան՝ ժողովրդի աչքին փայլելու համար՝ պատրաստուում էր կեղծաւոր ժպիտով նրան դիմաւորելու, խողը յանկարծ կանգ առաւ եւ աղմկալից շոնք:

Պրիմադոննան անմիջապէս ժպիտը փոխեց եւ Օֆելիայի վշտահար դիմակ առաւ:

Սակայն, ժողովուրդը ուրախ էր, գոհ: Քիչ էր մնացել, որ քաղաքը տօնական բնոյթ առնի, խանութները փակեն, կարմիր դրօշակ բարձրացնեն: Ամբոխը խոնուել էր շքերթի շուրջը, աղմկում էր, կատակ անում, ու հրապարակաւ լսում էր խողի խոսքը: Արտիկան փողոցի սկզբում այնքան շատ մարդ կար, որ խողը չէր կարողանում առաջանալ: Եւ մինչդեռ բոլորքանը մի վայրկեան լռել էր, պետական հեռաձայները տենդով ձայնում էին:

Ձեկան կանչում էր Կենդկոմին, Կենդկոմը՝ գործկոմին, գործկոմը՝ միլիցիայետին:

Դա ի՞նչ խայտառակութիւն է... Բուրժուական մտայնութիւն, անբարոյականութիւն... խողը այդքան պատիւներով պիտի ա՞նցնի Կենդկոմի շէնքի առջեւից... խողը, ո՛չ պրոլետարական այդ չորստանի արտիստը, որին վախառուները բերել են Հայաստան չահագործելու համար, պիտի վայելէ այդպիսի, չտեսնուած ընդունելութիւն:

Արդիւնէ՛լ:

Արդիւնէ՛լ:

Արդիւնէ՛լ:

Մարգար աղայի սրճարանի առջեւ, հրացանը ուսին մի միլիցիական, շնչասպառ կանգ առեց, խողի առջեւ կտրեց եւ շքերթը արդիւնէ:

խողը տարին կրկէս:

Ժողովուրդը ցրիւ եկաւ:

Կոնդի վրայից չոր հով էր լընում: Ամէն մարդ մրսում էր:

* * *

Խողը դարձաւ մի տեսակ հերոս:

Ամէն մարդ նրա մասին էր խօսում: Երեւանցիները, յոգնած ամենօրեայ տաղտկալից եւ նոյնանման կեանքից, դուրս էին վերջապէս չեղող մի հող, ուր կարող էին իրենց սուր երեւակայութիւնը մարդել:

Խողը, երանելի այդ արարածը, հեռաւոր երազի նման, կոմունիստական դաժան աշխարհին թեւեր էր տուել, բթացած քաղաքացիների առջեւ բաց էր արել տարբեր մի լինելութեան հեռանկարը, թեթեւացրել ամենօրեայ լուծը, արթնցրել նախկին աղատ կեանքի անուշ վերջիշունները, բերել էր պատրանք, անկեղծութիւն, անմիջականութիւն:

— Խողը տեսա՞ր:

— Տեսայ, աղպեր, հի՛անալի ա...

— Խողը տեսա՞ր:

— Բա՛, վայրենի խոմ չենք, տեսայ, ինչպէ՞ս չտեսայ...

Կրկէսի ետեւի կողմում խողի համար մի փոքրիկ սենեակ էին շինել: Մենակեաց, լուռ, խուցը քաշուած վանականի նման, օրուան մեծ մասը նա անց էր կացնում նստած, փոքրիկ աչքերը յառում էր փայտէ պատին ու երազում: Երբեմն վեր էր կենում, քիթը շարժում թափած յարդի մէջ, մսերը տատանելով պտոյտ դալիս ու յոգնած, մեծ իմաստութեամբ համակերպում ճակատագրին, պառկում ու նորից երազում: Թափանցող աչքը նրա երեսին կարող էր կարգաւ որոշ մեղամաղձոտութիւն: Անորոշ այն մեղամաղձոտութիւնը, որ դալիս նստում է արտիստների եւ խորհողների սրտի վրայ, երբեմն յղի է անակնկալներով, նախազգացումներով:

Նոր այս երկիրը, ուր նա եկած էր, թրթուած աղբի եւ իւղոտած կաշուի տարօրինակ հոտ ունէր: Պատերի ծակերից ցուրտը դալիս սուր ակռաներ էր մխրձում նրա մսերի մէջ, մտրակում փորը ու քթի ծակերին քրտինքի եւ փոշիացած թրթի անախորժ բուրում սրտում:

Սակայն, խողը համակերպող էր եւ իմաստուն: Հլու, մեղմաբարոյ, քրիստոնէական պարզութեամբ եւ անկեղծութեամբ նա կատա-